

HABAKUKU

Habakuku u win səmburu kuawā Yudaban sina boko Yoyakimun waati səo. Wi ka Yeremiwa ba səmburu kua waati tia səo.

Habakukun tireru ta win biti ka win nuku sankiranu səəsimə win təmbun sə. Saa ye səo, Babilonigibu ba Isireliba dam dəremə. Meyabwese ni nu ka bu sikerenən tii nu bu kuammə. Yera Isireliba ba tii bikiamə ba mə, aməna ben wāara ko n sāa be kq Gusunə. Ma Gusunə u bu wisə saa win səmə Habakukun nəən di u nəe, wi u Gusunə naanə doke, wiya u koo kpī u n wāa. Wi u mara Gusunə u nùn yakia, wiya u ko n wāa, wiru 2:4.

Tire ten kpunaa

1. Garin wiru, wiru 1:1.
2. Habakuku u ka Gusunə gari mə, wiru 1:2n di sere wiru 2:20.
3. Habakuku u Gusunə siara, wiru 3.

¹ Gari wee yi Yinni Gusunə u win səmə Habakuku səəWa.

Habakuku u Yinni Gusunə

somiru kanamə

² Yinni Gusunə, sere saa yerà ko na n nun somiru kanamə.

Sere saa yerà kaa n man maari.

Sere saa yerà kaa de na n nun səəmə
ma təmba dam dərenamə.

Nge sere saa yerà kaa na a sun wəra.

³ Mban səna a dera na kəsa məera.

Mban səna kaa n təmbu məera
ba n gem biranamə.

Wee, təmba dam dərenamə

ba daa kõsa mò baama kpuro.
 Sannøsu yiba, ma tømba siribu sokunamø baama
 kpuro.

⁴ Goo sari wi u wooda mëm nøawammë.
 Ba ku ra tømbu ben gem wë nge më n weenë.
 Tøn kõsowa u ra gemgii siribu di.

Gusuno u Habakuku bisa

u nee, Babilonigiba wee

⁵ Yinni Gusuno u nee, i bwesenu mëerio i ka sik-
 erena.

I de biti yu bëe mwa.
 Domi kon gãanu ko bëen nõni biru
 ni i ñ naane mò,
 baa goo ù n bëe nu tusia.

⁶ Wee, kon Babilonigibu seeyama.
 Tøn be, ba nuki sum.

Ba tem kpuro bukianamø
 bu wa bu ka bwesenu ganun wãa yenu mwëeri.

⁷ Ba nanum mò ben dam saabu.
 Bera ba ra gøsi ye ba kĩ.

⁸ Ben dumí yi sannekunu ñ kun më gbeeku bõnu
 duka kere.

Saa tontonden diya yi ra yõ,
 kpa yi yibere wõri nge kasa ye ya goo buu wa.

⁹ Be kpurowa ba wee bu ka tømbun yãnu gura.
 Ba nõni girariwa mi ba døo.

Ma ba yobu mwëerimø ba mennamø nge yani seeri.

¹⁰ Ba sinambu gëma.

Ba tem yërobu yëëmo.

Ba ñ wusun gbäranu gara.

Domi ba ra tem turenu kowa bu ka gbära ni yo
 kpa bu wuu si mwa.

¹¹ Yen biru kpa bu yari min di nge woo guna,

kpa bu maa da bu gam wɔri bu kɔsa ko.
Ben dama ba naane sãa, mu sãa nge ben bũu.

Habakuku u maa Gusunɔ soku

12 Saa yellun di, wuna a sãa Gusunɔ.

Wuna a sãa nɛn Yinni.

A dɛere. Yen sɔ̄, sa ñ gbimɔ̄.

Yinni, wuna a sãa nɛn kpee baa mi na ra kuke.

Wuna a Babilonigibu gɔsa,
ma a bu dam kã kpa bu ka sun seeyasia.

13 Adama a ñ kpẽ a yɔ̄ra a n kɔsa mɛera,
domi a dɛere too.

N n mɛn na, mban sɔ̄na a mɛera ye tɔ̄n kɔsoba mò,
ma a ñ gãanu gerumɔ̄.

Mban sɔ̄na a maari tɔ̄n kɔsobu ba gemgibu goomɔ̄.

14 Mban sɔ̄na a tɔ̄mbu kuammɛ nge swɛɛ,
ñ kun me nge kɔkɔ ni nu ñ kparo mɔ̄.

15 Babilonigibu ba tɔ̄mbu mwɛerimɔ̄
nge swɛɛ yi ba mwa ka kɔkɔnu
ñ kun me ka yãakoronu,

kpa bu bu gura bu ka doona ka nuku dobu.

16 Yen sɔ̄na ba ra ben yãakoronu yãkunu kue,
kpa bu nu turare dɔ̄o dokeə.

Domi nin saabuwa
ba koo ka kpĩ bu dĩa geenu wa
ni nu do bu di.

17 Domma ba koo den ben takobiba wesia ben
karano.

Ba ko n bwesenu sakirimɔ̄wa wɔ̄nwɔ̄ndu sariru sɔ̄o
sere ka baadommæ?

2

1 Adama ne, Habakuku na yɔ̄wa gbãraru wɔllɔ nɛn
kɔsu yerɔ̄
nge wi u yɔ̄ru bwɛɛ,

kpa n ka nə ye Gusunə u koo man sõ,
ka nge me u koo man wisi nən weeweenun sõ.

Gusunə u Habakuku wisa

- ² Yera Yinni Gusunə u man wisa u nεε,
n gari yi yoruo yi u man sõəmo.
N yi yoruo kpasasa kpee bəsi səo.
³ Yin tɔra kun gina tura yi ka koora.
Adama yi koo koora yin saa yà n tura.
Baa yì n tεemə, na n gesi yi mara.
Domi yi koo koorawa kam kam.
⁴ N yoruo ma wi u tii sue u n wāa swaa gea səo.
Adama wi u kua gemgii naane dokebu səo, u ko n
wāawā.
⁵ Wi u tii sue, u ku ra sine s̄εε.
U ra n sāawa nge tam nōro,
kpa u n nōo wukie nge gəribun wāa yeru.
U ku ra debu nge gəo.
U ra n tii bwesenu gaweməwa u ka ko nin yinni.

Bərusibu nəəbu

- ⁶ Adama bwese ni u mwεera mi,
nu koo nùn seesi nu nùn gari sõ ka wəma ka mənnu,
nu nεε,
u kuawa bɔruro wi, wi u dukia mennamə ye ya n
sāa wigia,
ma u gabun yānu guramə u tɔrubə yiimə.
Sere saa yerà u ko n mə nge me.
⁷ Bèn dibu u nəni, ba koo nùn seesi subaru səo,
kpa bu gura ye u mə.
⁸ Nge me u tən dabiu wəri u nin yānu gura,
nge meya be ba tie, ba koo maa nùn wəri bu win
yānu gura
yèn sõ u təmbun yəm yari,
ma u tem ka men wusu ka men təmbu dəm dəre.

⁹ Bõrurowa wi u dukia guramø
ye ya ñ dëere win berusebun mi,
kpa u wa u n wãa aye bëeregiru sœ,
mi u ñ maa nœni swãaru wasi.

¹⁰ Adama win yenun sekura u sœoru kua mi,
ye u ka bwese dabinu go.

Win tiiñ wãara u kari bërie.

¹¹ Domi baa ka ganiø, yi koo wuri ko yi nùn taare wë,
kpa kpœerun yari yi wuri wura.

¹² Bõrurowa wi u win wuun kpœekpœeiku swiimø
yem wøllø,
mø u tømbu dam døremø.

¹³ Ye tømba mò kpuro, ya koo døø mwaara.

Ba tii nœwia mòwa kam sœ.

Gusunø wøllu ka tem Yinniwa u koo ye kpuro kam
koosia.

¹⁴ Saa ye sœ, Yinni Gusunøn bëere yëru ta ko n
yibawa tem sœ

nge me nim wøku ga ra n nim yiba.

¹⁵ Bõrurowa wi u win beruse tam bœbœm wëemø
mu ka nùn go nge dëe, u n yð tereru,
kpa u nùn sekuru doke u n meera.

¹⁶ Yëro u tii sekuru dokemøwa mi, n ñ mo bëere.
Win tii u mu nœruo kpa u tereru yðra.

Yinni Gusunø u koo nùn tilasi ko
u ka win mœrun nœra nœ kpuro,
kpa win bëere ye u raa mo yu gœsia sekuru.

¹⁷ Daa kœsa ye u kua Libaniø,
ya koo wœri win wiru wøllø.

U yee go.

Adama yee yi, yi koo nùn nandasia.

Yeni kpuro ya koo nùn deema yem me u yarin sœ,
ka dam me u tem me ka men wusu ka men tømbu
dœren sœ.

¹⁸ Arufaaani yerà bwãarokunu nu mə tənu u ka sinə
u nu seku.

Nu sãawa ni ba seka ka sisu,
mə nu dera u weesu naanə sãa.
Mban sõna tənu u koo win naanə doke bwãaroku ni
u seka sɔɔ, ni, ni nu ñ kpẽ nu gari gere.

¹⁹ Bãrurowa wi u dãa kuku sõmə u mò, gu seewo,
ma u kperu sõmə u mò, tu dom yando.

Yen gaa ya koo kpĩ yu nùn bwisi kẽ?
Geema, u nu wura ka sii geesu pote.

Adama nu ñ hunde mə, nu n sere wãaru mə.

²⁰ Yinni Gusunə u wãa win sãa yee dãerarə.
Təmbu kpuro bu nɔɔ mario win wuswaaɔ.

Habakukun kanaru

3

¹ Wee kana te Gusunən səmə Habakuku u kua ka
weeweenu.

² U nee, Yinni Gusunə, na nua ye a gerua.

Ma na nanda.

A de yu koora wɔɔ sini sɔɔ.

A de təmbu bu ye wa beseñ waati yeni sɔɔ.

Adama wunen məru ye sɔɔ, a yaayo a sun
wənwəndu kua.

³ Gusunə, a na saa Edəmun di.

Wune, Dãero, a na Paranin guurun di.

Wunen yiiko ya wəllu yam bururasie.

Ma tem kpuro mu nun siaramə.

⁴ A na, ma yam mu burura.

Sɔɔ yãna yara wunen nəman di,
mi wunen dam mu wãa.

⁵ A dera baranu nu pusimə.

A nu derimə mi a sara kpuro.

6 À n yõra, tem mu ra yñiriwa.

À n bwesenu meera, nu ra diiriwa.

Guu ni nu wāa saa yee yellun di, nu wəruka,
gunguu ni nu wāa saa t̄ebun di, nu kəsikira,
domi niya nu raa sāa wunen swaa ye a ra s̄i.

7 Na Kusanigibun weeweenu nōmō.

Na maa wa ma Madianiba ba b̄erum soore.

8 Yinni Gusuno, a ka daanu mōru mōwa?

Nge nim wōkuwa a ka mōru mō.

Wee a yōwa guru winu wōlō
nge wi u yōwa tabu keken wōlō,
ma ya nūn nasara wē.

9 A wunen tēndu b̄eri.

Wunen bōri yi sāawa nge sēnu.

A tem b̄era ma daanu koka min di.

10 Guunu nū n nun wa, nu ra diiriwa.

Gura ya nemō ka dam, ma nim wōkun nim mu wōki,
mu nim kurenu kōmō sere wōlō.

11 Sō ka suru ba yōra ye ba wunen guru mākinu
wa

nu ballimo nge yaasa, ma nu dō nge sēnu.

12 Wee a tem bukianamō,

a bwesenu kōsukumō ka mōru baka.

13 Wee a yara

a wunen tōmbu ka wunen suno wi a gōsa somiru na.

A tōn kōsobun suno go.

A win bwāabu kpeerasia mam mam.

14 A yib̄ereban sinambun winu yabura ka ben tiin
sēnu.

Ba raa sun wōrim wee ka sendaru nge woo bōkō,
bu ka sun yarinasia.

Ba nuku dobun kuuki mō.

Ba sōoru sāa bu ka sun go besen kuku yenō.

15 Yinni Gusuno, a sō wunen dumin wōlō,

a nim wɔ̄ku taakumɔ
ge ga nim kɔ̄mɔ ga wɔ̄ki.

16 Na gen wɔ̄kinu nɔ̄amɔ too.

Ma na nanda gem gem,
nɛn nɔ̄o ga diirimɔ berum sɔ̄.

Ma nɛn wasi yi wɔ̄kənu wɔ̄rimɔ,
na yɔ̄ sɛe na nuku sankiranun tɔ̄ru mara
te tɔ̄ wee bwese ni nu koo sun dam dɔ̄ren sɔ̄.

17 Figien dānu nu n̄ ko n binu mɔ̄.

Resem dānu nu n̄ maa marumɔ.

Olifin dānu nu n̄ maa binu marumɔ.

Gbea kun maa dīanu wɛ̄ɛmɔ.

Yāanu ka kete kun ko n maa wāa gɔ̄wɔ.

18 Adama ne, nɛn nuku dobu weewa wunɛ Yinni
Gusunən min di.

Na nuku dobu mɔ̄ yèn sɔ̄ a ra man faaba ko.

19 Wuna a sāa nɛn dam.

A ra de na n sāu nge nemu.

Kpa na n sīimɔ guunu wɔ̄llɔ.

Womu geniwa ba wom kowobun wirugii kua
ka mɔ̄rɔku.

Bibeli Gusunɔn Gari
The Holy Bible in the Baatonum language of Benin,
also called the Bariba language

copyright © 2013 SIM

Language: Bariba (Baatonum)

Translation by: SIM International

Bariba, Bibeli Gusunɔn Gari

This translation, published by the UEEB/SIM au Benin, was published in 1996.

If you are interested in obtaining a printed copy, please contact the SIM at SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

x

PDF generated using Haiola and XeLaTeX on 11 Nov 2022 from source files
dated 29 Jan 2022
00601790-b883-5da1-83f2-d05a7fa289a8